

廣弘明集卷第三十上

肇九

唐釋

道宣

撰

統歸篇第十之三

簡文詠五陰識支

劉孝綽賦詠百論捨罪福詩

簡文蒙華林園戒詩

簡文預懺直疏詩并和五首

昭明講訖賦三十韻詩

簡文出興業寺講詩

元帝和五明集詩

昭明鍾山解講諸人和詩

四月八日讚佛等詩共一十首

東晉沃州山沙門支道林

沙門釋慧遠念佛三昧詩序

十二

王齊之念佛三昧詩并佛菩薩讚

十八首

齊王元長法樂歌詞

十二

王融栖玄寺聽講遊邸園一首應

司徒教

梁武帝述三教詩

昭明開善寺法會詩

簡文望同泰寺浮圖等詩并和五首

三春迭云謝首夏含朱明祥祥今日泰朗朗
亥夕清菩薩彩靈和眇然因化生四王應期
來矯掌承玉形飛天鼓弱羅騰擢散芝英綠
瀾頹龍首縹藥翳流冷芙蕖育神葩傾柯獻
朝榮芳津霧四境甘露凝玉瓶珍祥盈四八

玄黃曜紫庭感降非情想恬怡無所管玄根
泯靈府神條秀形名圓光朗東旦金姿艷春
精舍和總八音吐納流芬馨跡隨因溜浪心
與太虛冥六度啓窮俗八解濯世纓慧澤融

無外空同忘化情

第九

大塊揮冥樞昭昭兩儀映萬品誕遊華澄清
凝玄聖釋迦乘虛會圓神秀機正交養衛恬
和靈知溜性命動爲務下戶寂爲無中鏡
真人播神化流渟良有因龍潛兜術邑漂景
闔浮濱佇駕三春謝飛轡朱明旬八維披重
藹九霄落芳津玄祇獻萬舞般遮奏伶倫淳
白凝神宇蘭泉渙色身投步三才泰揚聲五
道浪不爲故爲貴忘奇故奇神
緬哉玄古思想託因事生相與圖靈器像也
像彼形黃裳羅帕質元服拖紺青神爲恭者

惠跡爲動者行虛堂陳樂餌蔚然起竒榮疑
似垂戲微我諒作者情於焉遺所尚肅心擬
太清

五月長齋詩一首

炎精育仲氣朱離吐凝陽廣漠潛涼變凱風

乘和翔令月肇清齋德澤潤無疆四部欽嘉
期潔已升雲堂靜晏和春暉夕惕厲秋霜蕭
條詠林澤恬愉味城傍逸容研冲蹠絲絲運
宮商匠者握神標乘風吹玄芳淵汪道行深
婉婉化理長亹亹維摩虛德音暢遊方罩罕

第九

妙傾玄絕致由近減略微容簡八言振道
綱撥煩練陳句臨危折婉章浩若驚飆散罔
若揮夜光寓言豈所託意得筌自喪霑濡妙
習融靡靡輕塵亡蕭索情牖頰寥朗神軒張
誰謂冥津遐一悟可以航願爲海遊師櫂施

入滄浪騰波濟漂客玄歸會道場

八關齋詩三首并序

間與何驃騎期當爲合八關齋以十月二十一日集同意者在吳縣土山墓下三日清晨爲齋始道士白衣凡二十四人清和肅穆莫

不靜暢至四日朝衆賢各去余旣樂野室之

寂又有掘藥之懷遂便獨住於是乃揮手送

歸有望路之想靜拱虛房悟外身之眞登山採藥集巖水之娛遂援筆染翰以慰二三之情

建意營法齋里仁契朋儕相與期良晨沐浴

造閑丘穆穆升堂賢皎皎清心修窈窕八關客無健自綢繆寂默五習真疊疊勵心柔法鼓進三勸激切清訓流懷愴願弘濟闔堂皆

同舟明明玄表聖應此童蒙求存誠夾室裏

三界讚清依嘉祥歸宰相藹若慶雲浮

三悔啓前朝雙懺暨中夕鳴禽戒朗旦備禮

寢玄役蕭索庭賓離飄颻隨風適踟蹰岐路嶧揮手謝內析輕軒馳中田習習陵電擊息

心投佯步零零振金策引領望征人悵恨孤

思積咄矣形非我外物固已寂吟詠歸虛房守真玩幽蹟雖非一往遊且以閑自釋

靖一潛蓬廬愔愔詠初九廣漠排林篠流颺灑隙牖從容遐想逸採藥登崇阜崎嶇升千尋蕭條臨萬畝望山樂榮松瞻澤哀素柳解

第九

口

帶長陵岐婆娑清川右冷風解煩懷寒泉濯溫手寥寥神氣暢欽若盤春敷達度冥三才悅惚喪神偶遊觀同隱丘愧無連化肘

詠懷詩五首

傲兀乘戶素日往復月旋弱喪困風波流浪

逐物還中路高韻溢窈窕欽重玄重玄在何
許採真遊理間苟簡爲我養逍遙使我閑寥
亮心神瑩含虛映自然亹亹沉情去彩彩沖
懷鮮跡躅觀象物未始見牛全毛鱗有所貴
所貴在忘筌

端坐鄰孤影眇罔玄思劬偃蹇收神轡領略

綜名書涉老咍雙玄披莊玩太初詠發清風
集觸思皆恬愉俯欣質文蔚仰悲二匠徂蕭
蕭柱下迴寂寂蒙邑虛廓矣千載事消液歸
空無無矣復何傷萬殊歸一塗道會貴冥想
固象掇玄珠悵快濁水際幾忘映清渠反鑒
歸澄漠容與舍道符心與理密形與物物
踈蕭索人事去獨與神明居

晞陽熙春圃悠緬歎時往感物思所託蕭條

逸韻上尚想天台峻崿巖堦仰冷風灑蘭

林管瀨奏清響霄崖育靈藹神竦含潤長丹
沙映翠瀨芳芝曜五爽苕苕重岫深寥寥石
室朗中有尋化士外身解世網抱朴鎮有心
揮玄拂無想隗隗形崖頽岡岡神宇敞宛轉
元造化縹瞥鄰大象願投若人蹤高步振策

杖

開邪託靜室寂寥虛且真逸想流巖阿朦朧
望幽人慨矣玄風濟皎皎離染純時無問道
睡行歌將何因靈溪無驚浪四嶽無埃塵余
將遊其嵎解駕輶飛輪芳泉代甘醴山果兼
時珍脩林暢輕跡石宇庇微身崇虛習本照
損無歸昔神曖曖煩情故零零沖氣新近非
域中客遠非世外臣憺怕爲無德孤哉自有

隣

坤基葩簡秀乾光流易穎神理速不疾道會

無陵騁超超分石人握玄攬機領余生一何
散分不諧天挺沉無冥到韻變不揚蔚炳冉

冉年往逡悠悠化期永翹首希玄津想登故
未正生途雖十三日已造死境願得無身道

高栖冲默靖

述懷詩二首

翔鸞鳴崑崿逸志騰冥虛惚悅迴靈翰息肩
棲南嶠濯足戲流瀾採練銜神蔬高吟漱芳
醴韻頌登神梧蕭蕭椅明翩眇眇育清軀長

想玄運夷傾首俟靈符河清誠可期戢翼令

人劬

憇角敦大道弱冠弄雙玄逡巡釋長羅高步
尋帝先妙損階玄老忘懷浪濛川達觀無不
可吹累皆自然窮理增靈薪昭昭神火傳熙
怡安沖漠優游樂靜閑膏腴無爽味婉變非

雅絃恢心委形度亹亹隨化遷
詠大德詩一首

遐想存玄哉冲風一何敞品物緝榮熙生塗
連惚悅既喪大澄真物誘則智蕩昔聞庖丁
子揮戈任神往苟能嗣冲音攝生猶指掌乘
彼來物間投此默照朗邁度推卷舒忘懷附
罔象交樂盈胷襟神會流俯仰大同羅萬殊
蔚若充甸網寄旅海漚鄉委化同天壤

詠禪思道人

孫長樂作道士坐禪之像并而讚之可謂因

俯對以寄誠心求參焉於衡柵圖巖林之絕
勢想伊人之在茲余精其制作美其嘉文不
能默已聊著詩一首以繼于左其辭曰

雲岑竦太荒落落英岊布迴壑佇蘭泉秀嶺
攢嘉樹蔚薈微遊禽崢嶸絕蹊路中有冲希

子端坐暮太素自強敏天行弱志慾無欲

音

玉質凌風霜淒淒厲清趣指心契寒松綢繆
諒歲暮會秉兩息間綿綿進禪務投一滅官
知攝二由神遇承蜩繫危丸累十亦凝注懸

七十九

想元氣地研幾華廳慮冥懷夷震驚怡然肆

幽度曾筌攀六淨空同浪七住逝虛乘有來

永爲有待馭

詠山居一首

五嶽盤神基四瀆涌蕩津動求自方智默守
標靜仁苟不宴出處託好有常因尋元存終

古洞往想逸民玉潔其巖下金聲瀨沂濱捲
華藏紛霧振褐拂埃塵跡從尺蠖屈道與騰
龍伸峻無單豹伐分非首陽真長嘯歸林嶺
蕭灑任陶釣

念佛三昧詩集序

晉廬山釋慧遠

序曰夫稱三昧者何專思寂想之謂也思專
則志一不分想寂則氣虛神朗氣虛則智恬
其照神朗則無幽不徹斯二乃是自然之玄
符會一而致用也是故靖恭閑宇而感物通
靈御心惟正動必入微此假修以凝神積習
以移性猶或若茲况夫尸居坐忘冥懷至極
智落宇宙而闇蹈大方者哉請言其始菩薩
初登道位甫闢玄門體寂無爲而無弗爲及
其神變也則令脩短革常度巨細互相違三
光迴景以移照天地卷而入懷矣又諸三昧
其名甚衆功高易進念佛爲先何者窮玄極
寂尊號如來體神合變應不以方故今入斯
定者昧然忘知即所緣以成鑒鑒明則內照
交映而萬像生焉非耳目之所暨而聞見行

焉於是覩夫淵凝虛鏡之體則悟靈相湛一

清明自然察夫玄音之叩心聽則塵累每消

滯情融朗非天下之至妙孰能與於此哉以

茲而觀一覩之感乃發久習之流覆豁昏俗

之重迷若以足夫衆定之所緣固不得語其

優劣居可知也是以奉法諸賢咸思一揆之

契感寸陰之頽影懼來儲之未積於是洗心

法堂整襟清向夜分忘寢夙宵惟勤庶夫貞

詣之功以通三乘之志臨津濟物與九流而

同往仰援超步拔茅之興俯引弱進垂策其

後以此覽衆篇之揮翰豈徒文詠而已哉

念佛三昧詩

四首并佛菩薩讚共九首

瑣 瑣 王 齊 之

妙用在茲涉有覽無神由昧徹識以照麤積

微自引因功本虛泯彼三觀忘此毫餘

寂漠何始理玄通微融然忘適乃廓靈暉心
悠緬域得不踐機用之以冲會之以希
神資天凝圓映朝雲與化而感與物斯群應
不以方受者自分寂爾淵鏡金水塵紛
慨自一生夙乏慧識託崇淵人庶藉冥力思
轉毫功在深不測至哉之念注心西極

薩陀波崙讚

因畫般若臺
隨變立讚等

密哉達人功玄曩葉龍潛九澤文明未接運
通其會神踈其轍感夢塊交啓茲聖哲

薩陀波崙入山求法讚

第九

激響窮山憤發幽誠流音在耳欣躍晨征奉
命宵遊百慮同冥叩心在誓化乃降靈

薩陀波崙始悟欲供養大師讚

九

歸塗將啓靈關再闢神功難圖待損而益信
道忘形歡不期適非伊哲人孰採玄策

雲無竭菩薩讚

亹亹淵匠道玄敷盡譬彼大壑百川俱引涯
不俟津塗無旋軫三流開源於焉同泯
諸佛讚因常啼念佛爲現像靈

妙哉正覺體神以無動不際有靜不隣虛化

而非變象而非摹映彼真性鏡此群麤

法樂辭十二章

齊王元長

天長命自短世促道悠悠禪衢遠駕愛海
亂輕舟累塵曾未極心樹豈能等情埃何用

洗正水有清流

右歌本起

百神肅以度三靈震旦越恒曜掩芳宵薰風

動蘭月丹榮藻玉墀翠羽文朱闕皓毳非虛
來交輪豈徒發

右歌四遊

飛策辭國門端儀偃郊樹慈愛徒相思中閨
空戀慕夙隸垂往塗駿足獨歸路舉袂謝時

右歌靈瑞

韶年春已仲明星夜未央千祀鍾休曆萬國
會嘉祥金容涵夕景翠鬢佩晨光表塵維淨
覺凡俗乃輪王

右歌下生

龍漦氣變離宮重櫟警層殿曼響感心神修容
展驩宴生老終以榮病死行當薦方爲淨國
遊豈結危城戀

右歌在宮

春枝多病夭秋葉少於榮心骸終委滅親愛
暫時生長風吹北龍迅瀑急東瀛知三既情
音二

暢得一乃身貞

人得道且還去

右歌出國

明心弘十力寂慮通四禪青禽承逸軌文驪
鏡重川鷺巖標遠勝鹿野究清玄不有希世
寶何以導濛泉

右歌得道

亭亭宵月流朏朏晨霜結川上不徘徊條間
函渝滅靈智湛常然俯應有盈缺感運復來
儀且獸人間世泄

右歌雙樹

春山玉所府檀林芳所棲引火歸炎燧挹水
自清隄菴園無異轍祇館有同儕比肩非今
古接武豈燕齊

右歌賢衆

昔爾輕歲月茲也重光陰閨中屏鉉闕閣下

挂纓簪禪悅兼芳旨法喜忘清琴一異非能
辯寵辱誰爲心

右歌學徒

峻宇臨層穹遠邇踈遠風騰芳清漢裏響梵
高雲中金華紛蕪若瓊樹鬱青葱貞心延淨

境遂業嗣天官

右歌供具

影響未嘗隔晦明珠復親弘慈迫已遠睿后
扇高塵區中提景福宇外沐深仁萬祀流國
祚億兆慶唐民

右歌福應

栖玄寺聽講畢遊邸園一首應司徒教

齊王融

道勝業茲遠心閑地能隙桂櫟鬱初裁蘭墀
坦將闢虛檐對長嶼高軒臨廣液芳草列成

行嘉樹紛如積流風轉還逕清煙泛喬石日

泊山照紅松映水華碧暢哉人外賞遲遲春

將夕

述三教詩一首

梁武帝

少時學周孔弱冠勤六經孝義連方冊仁恕
滿丹青踐言貴去伐爲善在好生中復觀道
第九書有名與無名妙術鏤金版真言隱上清密
行遺陰德顯證在長齡晚年開釋卷猶月映
衆星苦集始覺知因果方昭明示教唯平等

金牀紫柱珊瑚地神幢明月璫牽蘿下石磴
攀桂陟松梁澗斜日欲隱煙生樓半藏千祀
終何邁百代歸我皇神功照不極巔鏡湛無
方法輪明暗室慧海渡慈航塵根久未洗希
露垂露光

望同泰寺浮圖等詩

并和三首

梁簡文

至理歸無生分別根難一執著性易驚窮源
無二聖測善非三英大椿徑億尺小草裁云
萌大雲降大雨隨分各受榮心想起異解報
應有殊形差別豈作意深淺固物情
開善寺法會詩一首

梁昭明太子

栖鳥猶未翔命駕出山莊詰屈登馬嶺迴互
入羊腸稍看原藪藪漸見岫蒼蒼落星埋遠
樹新霧起朝陽陰池宿早鴈寒風催夜霜茲
地信閑寂清曠唯道場玉樹瑠璃水羽帳鬱

梵世陵空下應真蔽景趨帝馬咸千轡天衣

盡六銖意樂開長表多寶現金軀能令苦海

渡復使慢山踰願能同四忍長當出九居

王訓奉和

副君坐飛觀城傍屬大林王門雖八達露塔

復千尋重櫨出漢表層層拱冒雲心峴山彫潤

玉麗水瑩明金懸盤同露掌垂鳳似飛禽月

落簷西暗日去柱東侵反流開睿屬搃翰動

神襟願託牢舟友長免愛河深

王臺卿奉和

朝光正晃朗踊塔標千丈儀鳳異靈烏金盤

代仙掌積拱承彌桷高簷挂珠網寶地若池

沙風鈴如積響刻削生千變丹青圖萬象煙

霞時出沒神仙乍來徃晨霧半層生飛旛接

雲上遊蜺不敢息翔鵠詎能仰讚善資哲人

流詠歸明兩願假舟航末彼岸誰云廣

庚信奉和

迢迢陵太清照殿比東京長影臨雙闕高層

出九城拱積行雲礙旛搖度鳥驚鳳飛如始

泊蓮苔似初生輪重對月滿鐸韻擬鸞聲畫

水流泉注圖雲色半輕露晚盤猶滴珠朝火

更明雖連博望苑還接銀沙城天香下桂殿

仙梵入伊笙庶聞八解樂方遣六塵情

夜望浮圖上相輪

梁簡文

光中辯垂鳳霧裏見飛鸞定用方諸水持添

承露盤

賦詠五陰識支詩

梁簡文

澆淳混神因心形復依色欲浪逐情飄愛網

隨心織鑄金雖改狀斬籌方未極鴻觀既無
辯猿攀此焉息

賦詠百論捨罪福詩

劉孝綽

尋因途乃異及捨趣猶井苦極降歸樂樂極
苦還生豈非輪轉愛皆緣封著情一知心相

濁樂染法流清

蒙華林園戒詩

梁簡文

庸夫耽世樂俗士重虛名三空既難了八風

恒易傾伊余久齊物本自一枯榮弱齡愛箕
穎由來重伯成非爲樂肥遯特是狀逢迎執
珪守蕃國主器作元貞昔日書銀字久自恧
宗英斯焉佩金璽何由廣德聲居高常慮缺
持滿每憂盈茲言信非矯丹心良可明舟航

奉睿訓接引降皇情心燈朗暗室牢舟出愛

瀛是節高秋晚沉寥天氣清郊門光景麗祈

年雲霧生紅蕖間青瑣紫露濕丹楹葉踈行

徑出泉溜遠山鳴綠衿依浦伐絳蘚拂林征

庶蒙八解益方使六塵輕脫聞時可去非悵

捨重城

蒙預懺直疏詩并和三首

梁簡文

皇情矜幻俗聖德愍重昏制書開攝受絲綸
廣慧門時英滿君國法侶咸天園俱銷五道

第十九

十五

縛共蕩四生怨三修祛愛馬六念靜心猿庭

深林彩艷地寂鳥聲喧上風吹法鼓垂鈴鳴
畫軒新梅舍未發落桂聚還翻早煙藏石磴
寒潮浸水門一朝蒙善誘方願遣籠樊

梁武帝和

玉泉漏向盡金門光未成云云

王筠應詔并序

奉和皇太子懺悔詩仍上皇宸極聖旨即疏
降同所用十韻私心慶躍得未曾有据採餘
韻更題鄙拙

一聖智比明帝德光四海荷負誠攸屬度脫
實斯在懺說濟蒙愚推心屏欺詒名僧引定
慧朝纓列元凱還迷依善導反心由真宰和
鈴混吹音勝旛榮雪彩早蒲欲抽葉新篁向
舒筍翹慙涼懇到歸誠信兼倍睿艷似煙霞
欄干若珠琳善誘雖欲繼舍毫愧文采
講席將訖賦三十韻詩依次用

梁昭明

法苑稱嘉柰茲園羨脩竹靈覺相招影神仙
共栖宿慧義比瑤瓊薰染等蘭菊理玄方十

笄功深似九築巫水驚銀舟方衢列金軸微
言絕已久煩勞多累蓄因茲闡慧雲欲使心
塵伏八水潤焦芽三明啓群目寶鐸旦參差
名香晚芬郁暫捨六龍駕微祛二鼠感意樹
發空花心蓮吐輕馥喻斯滄海變譬彼菴羅
熟妙智方縛錦深辭同霧縠善學同梵爪真
言異銅腹遠迤合蓋城歲蕤布金郁珠華蔭
八溪玉流通九谷青禽乍下上雲鴈飛翻覆
高談屬時聽寡聞終自恧日麗駕鷺瓦風度
蜘蛛屋落蘿散香霏浮雲卷遙族曠濟同象
楚元十六園中乘如佇獨後饑難堅明初心易驚縮應
當離華水無令乖漆木投巖不足貴棘林安
可宿器月希留影心灰庶方撲視愛同採蜂
遊善如原菽八邑仙人山四寶神龍澳藥樹
永繁稠禪枝詎凋滅以茲悅聞道庶此優馳

遂願追露寶車脫屣親推轂

旦出興業寺講詩

梁簡文

沐芳肅朝帶駕言抵淨宮羽旗承去影鏓吹

雜還風吳戈夏服箭驥馬綠沉弓水照柳初

碧煙含桃半紅由來六塵縛宿昔五纏矇見

鶴徒知謬察象理難同方知恧四辯奚用語

三空

和劉尚書侍五明集詩

梁元帝

帝德洽區宇垂衣彰太平黃唐慚懋實子姒

恧嘉聲治家陳五禮功成奏六英汲引留宸

鑒舟航動睿情諸王唯一法無生信不生因

因從此見果果自斯明元良仰副后舍一震

鴻名龜藏踰啓筮魯史冠春卿日宮佳氣滿

華九

七

嵩嶽基舊宇盤嶺跨南京叡心重禪室遊駕

月殿善風清綺錢敞西觀緹幔卷南營金門
練朝鼓玉壺休夜更宮槐留曉合城鳥侵曙
鳴露光枝上動霞影水中輕虛薄今何事徒
知戀法城

昭明太子鍾山解講詩闕

陸倕和

終南鄰漢關高掌跨周京復此虧天嶺穹隆
距帝城當衢啓珠館臨下構山楹南望窮淮
漱北眺盡滄溟步簷時中宿飛階或上征網
戶圖雲氣龕室畫仙靈副君憐世網廣命萃

人英道筵終後說鑾轡出郊垌雲峯響流吹
松野映風旌睿心嘉杜若神藻茂琳瓊多謝
先成斂空頌後乘榮

蕭子顯奉和

陟層城金輶徐旣動龍驥躍且鳴塗方後塵
合地迥前笳清邐迤因臺榭參差憩羽旌高
隨閭風極勢與元天并氣歇連松遠雪升秋
野平徘徊臨井邑表裏見淮瀛祈果尊常住
渴慧在無生暫留石山軌欲知芳杜情鞠躬
荷嘉慶瞻道聞頌聲

劉孝綽和

御鶴翔伊水策馬出王田我后遊祇鸞比事

實光前翠蓋承朝景珠旗曳曉煙樓帳榮巖
谷緹組曜林阡況在登臨地復及秋風年喬

柯變夏葉幽澗潔涼泉停鑾對寶座辯論悅

人天淹塵資海滴昭暗仰燈然法朋一已散
笳劍儼將旋邂逅逢優渥託乘侶才賢摛辭
雖並命遺恨獨終篇

劉孝儀和

詩九

韶樂臨東序時駕出西園雖窮禮遊咸終爲
塵俗喧豈如弘七覺揚鸞啓四門夜氣清簫
管曉陣爍郊原山風亂彩眊初景麗文轅林
開俞騎騁逕曲羽旄屯煙壁浮青翠石瀨響
飛奔迴情下重閣降道訪真源談空足泉涌
綴藻邁絃繁輕生逢過誤並作輩龍鶴顧已

同偏爵何用挹衝樽

廣弘明集卷第三十上

音釋

亹武斐切亹亹不倦意也
韻韻美結切
亢外切蔚蒼爭榮
草木草木盛也
蟬屈伸蟬屈伸
擗他各切擊擗
儕等輩也
齊鉏佳切
提常支切

福 榮 魯 賈
也 檉 切 挑 明 角 切
隕 色 責 切 挑 按 也 簡 徒 改
落 也 眇 切 眇 而 志 切 簡 竹 萌 也
羽 飾 也 簡 竹 萌 也 蔭 為 謂 切
華 荣 也 蔭 為 謂 切

九

十九

廣弘明集卷第三十下

華十

唐 釋 道宣 撰

沈炯同庾肩吾周處士弘讓遊明慶寺詩一首

統歸篇第十之四

華十

梁皇太子等八關齋夜述遊四城門

詩并

簡文遊光宅寺詩

簡文被幽述志詩

宋謝靈運臨終詩

梁沈隱侯臨終遺表

陳沙門釋智愷臨終詩

尚書令江總遊攝山栖霞寺等詩

并序
集和

江令遊虎窟山寺詩

何處士遊山寺并雜詩四首

沈炯遊天中天寺詩一首

唐太宗文皇帝遊并州大興國寺二

北齊盧思道從駕大慈照寺詩并序

周沙門釋亡名五苦詩六首

陳姚察遊明慶寺悵然述懷

張君祖雜詩三首并讚

隋煬帝遊方山靈巖寺詩并

煬帝升樓望燈詩并

煬帝捨舟登陸示慧日道場玉清

玄壇德衆一首

著作王胄卧疾閩越述淨名意詩

薛道衡入鳳林寺詩

梁開善寺藏法師奉和武帝三教詩

一首

首

高宗遊京師大慈恩寺詩

并和

常州宣法師詠高僧詩二首

宣法師遊東山寺尋殊曇二法師

梁皇太子等八關齋夜賦四城門詩

并和

庾集吾

同作

第一賦韻東城門病

伏枕愛危光病纏生易折無因雪岸草慮反

砧山穴

徐防

消渴腠腸腑疼蹇嬰肢節如何促齡內憂苦

無暫缺

孔壽

南城門老

虛蕉誠易犯危藤復將嚙一隨柯已微當年

信長訣

諸葛煌

已同白駒去復類紅華熱妍容一旦罷孤燈

行自設

君

西城門死

緩心雖殊用滅景寧優劣一隨業風盡終歸

虛妄設

王臺卿

五陰誠爲假六趣寧有截零落竟同歸憂思

空相結

李鍾遠

北城門沙門

俗幻生影空憂繞心塵曇於茲排四繩去矣

求三涅槃

下

下學輩流心方從窈冥別已悲境相空復作

泡雲滅

中庶府君

第二賦韻東城門病

空疴誠易愈有病故難痊徒知餌五色終當

悲九泉

王臺卿

已無雲山草沉痾竟誰憐復悲淪苦海何由

果淨天諸葛
壇

南城門老

昔類紅蓮草自翫渌池邊今如白華樹還悲
明鏡前下殿

壯心欲何在餘日乃西遷清樽不復樂蓬鬢
豈還妍徐防

西城門死

高堂信逆旅懷業理常牽玉匣方委櫬金臺
不復延中庶府君

挽聲隨逕遠蘿影帶松懸詎能留十念唯應
逐四緣君

北城門沙門

經行林樹下求道志能堅既有神通力振錫
遠乘煙李鏡遠

一登四弘誓至道莫能先不貪曠劫壽無論
結根素因假枝葉緣骨肉自應螻蟻驅值此

延促年孔叡

第三東城門病

纏癆緬百年自傷無五福長繫畫篋蛇不值
仙人鹿下殿

習染迷畫瓶卧起求栖宿羅襦豈再歡臨岐
方土木中庶府君

南城門老

少年愛純綺衰暮慚羅縠徒傷歲冉冉陳詩
非郁郁王臺卿

鶴髮辤軒冕鮀背烹葵菽松柏稍相依憐愛
時睦睦李鏡遠

西城門死

追念平生時遨遊土苑園一沒松柏下春光
徒儻孔叡

風刀逐諸葛
壘

北城門沙門

俗繭狀纏絲因田抽善穀長披忍辱鎧去此
纖羅服徐防

願引三塗衆俱令十使伏珠月猶沉首金鉢
未挑目君

第四東城門病

紫紈未可得漳濱徒再離一逢犬馬病資育
罷驅馳李鏡
遠

已無九轉術復闢萬金奇不看授疆掌唯夢

蓮花池君

南城門老

盛年歌吹日顧步惜容儀一朝衰朽至星星

白髮垂孔
盡

已傷萬事盡復念九門枝垂軒意何在獨坐

七十

五

鏡如斯中庶
府君

西城門死

一息於今罷平生詎可規天長曉露促千齡
誰復知殷
下

華堂一相捨松帳杳難窺萬祀藏珠應千年

罷玉羈徐
防

北城門沙門

深心不可染正道亦難欹方除五欲累長辭
三雅危王少
卿

依空慮難靜習善路猶彌沒身竟靡託單孟

詎待貲諸葛
壘

正月八日然燈詩應
令

藕樹交無極華雲衣數重織竹能爲象縛荻
巧成龍落灰然藥盛垂油濕畫峯天宮儻若

見燈王願可逢

梁簡文遊光宅寺詩

應令

陪遊入舊豐雲氣鬱青葱紫陌垂清柳輕槐
拂慧風八泉光綺樹四柱曖臨空翠網隨煙
碧丹華共日紅方欣大雲溥慈波流淨宮
梁簡文被幽述志詩

梁簡文於幽繫中援筆自序云

有梁正士蘭陵蕭綱立身行已終始若一風
雨如晦雞鳴不已非欺暗室豈況三光數至
於此命也如何

又爲連珠三首

一曰吾聞有古富而今貧可稱多而賑寡是以度索數下獨有衰神松柏橋南空餘白社
二曰吾聞言可覆也仁能育物是以欲輕其
死有德必昌兵踐於義無思不服

三曰吾聞道行則五福俱泰運閑則六極所

鍾是以麟出而悲豈唯孔子途窮則慟寧止
嗣宗

又爲詩曰

恍忽煙霞散颶颶松柏陰幽山白楊古野路
黃塵深終無千月命安用九丹金闕里長蕪

沒蒼天空照心

十月弑於永福省年四十九崩崩時太清
五年也

宋謝靈運臨終詩一首

龔勝無遺生季業有窮盡嵇叟理旣迫霍子

命亦殞萋萋後霜柏納納銜風菌邂逅竟無
時脩短非所愍恨我君子志不得巖上泯送
心正覺前斯痛久已忍唯願乘來生怨親同
心朕

梁沈隱侯臨終遺表

臣約言臣抱疾彌留迄今即化形神欲離月
已十數窮楚極毒無言以喻平日健時不言
若此舉刀坐劙比此爲輕仰惟深入法門厲
茲苦節內矜外恕寔本人情伏願聖心重加

推厲微臣臨途無復遺恨雖慚也善庶等鳴
第十一

哀謹啓

陳沙門釋智愷臨終詩

千月本難滿三時理易傾石火無恒談電光
非久明遺文空滿笥徒然昧後生泉路方幽
嘵寒隴向淒清一隨朝露盡唯有夜松聲

陳尚書令江總遊攝山栖霞寺一首并序

壬寅年十月十八日入攝山栖霞寺登崖極
峭頗暢懷抱至德元年癸卯十月二十六日
又再遊此寺布法師施菩薩戒甲辰年十月
二十五日奉送金像還山限以時務不得恣

情淹留乙巳年十一月十六日更獲禮拜仍
停山中宿永夜留連棲神竦聽但交臂不停
薪指俄謝率製此篇以記即目俾後來賞者
知余山志

靜心抱冰雪暮齒迫桑榆太息波川迅悲哉
人世拘歲聿皆採穫早晚具嚴枯濯流濟八
水開襟入四衢茲山靈妙合當與天地俱石
瀨乍淺深崖煙迥有無缺碑橫古燧盤木卧
荒途行行備履歷步步鱗歲紆高僧迹共遠
勝地心相符樵隱各有得丹青獨不渝寺猶有朗

誣二師居士明僧紹治中蕭昉塑圖像

遺風佇芳桂比德喻生芻寄言長往客悽然傷鄙夫

至德二年十一月十二日升德施山齋三宿
決定罪福懺悔詩

四知無矯志二施啓幽心簡通避人物偃息

還山林曲澗停騶轡交枝落漫陰池臺聚凍
雪欄牖噪歸禽石彩無新故峯形詎古今大

車何杳杳奔馬遂駿駿何以修六念虔誠在

一音未泛慈舟遠徒令願海深

五言攝山栖霞寺山房夜坐簡徐祭酒周尚

書并同遊群彥

江令公

澡身事珠戒非是學金丹月磴時橫枕雲崖

宿解鞍梵宇調心易禪庭數息難石澗水流

靜山窓葉去寒君思北闕駕我惜東都冠翻

愁夜鍾盡同志不盤桓

徐孝克仰同令君攝山栖霞寺山房夜坐六

韻

徐孝克

戒壇青石路靈相紫金峯影進歸依鵠餐迎

守護龍晨朝宣寶偈寒夜斂跡鍾雞蘭靜舍
握仁智獨從容五禪清慮表七覺蕩心封願

言於此處攜手屢相逢

陳主同江僕射遊攝山栖霞寺

時宰磻溪心非關狎竹林鷺嶽青松曉雞峯

白日沉天迴浮雲細山空明月深摧殘枯樹
影零落古藤陰霜村夜馬去風路寒猿吟自

悲堪出俗詎是欲抽簪

江總遊攝山栖霞寺

并序

禎明元年太歲丁未四月十九日癸亥入攝

山展慧布法師憶謝靈運集還故山入石壁

中尋曇隆道人有詩一首十一韻今此拙作

仍學康樂之體

霖霖時雨霽清和孟夏肇宿綠野中登頓
丹霞杪敬仰高人德抗志塵物表三空豁已

悟萬有一何小始終情所寄冥期諒不少荷
衣步林泉麥氣涼昏曉乘風面泠泠候月臨
皎皎煙崖憩古石雲路排征鳥披逕憐森沉
攀條惜杳寥平生忘是非朽謝豈矜矯五淨
自此涉七塵庶無擾

江總靜卧栖霞寺房望徐祭酒

絕俗俗無侶修心心自齋連崖夕氣合虛宇
宿雲蘿卧藤新接戶欹石久成階樹聲非有
意禽戲似忘懷故人市朝狎心期林壑乖唯
憐對芳杜可以爲吾儕

徐孝克仰和令君

上宰明四空迴車入道中洞涼容麥氣巖光
對月宮香來詎經火華散不隨風澗松無異
聒蟬桂兩分叢虛薄誠爲累何因偶會同暫
此乖山北猶可向牆東

禎明二年仲冬攝山栖霞寺布法師只爾待
終余以此月十七日宿昔入山仰爲師氏營
涅槃懺還途有此作

可否同一貫生死亦一條況斯滅盡者豈是
俗中要人道離群愴冥期出世遙留連入澗

曲宿昔涉巖椒石溜冰便斷松霜日自消向
崖雲靉靆出谷霧飄飄勿言無大隱歸來即

市朝

庚寅年二月十二日遊虎丘山精舍

江令公

甲子

縱棹憐迴曲尋山靜見聞每從芳杜性須與

俗人分貝塔涵流動華臺偏領芬蒙籠出簷
桂散漫繞窟雲情幽豈徇物志遠易驚群何
由狎魚鳥不願屈玄纁

江令公集云廬山遠法師未出家善弩射嘗

於鶴窟射得鶴觴後復伺鶴母見將射之鶴不動翔觀之已死於窠中疑其愛子致死破視心腸皆寸絕法師於是放弩發菩提心

宋初有法瓊尼南方人不知因緣所出辟穀食棗栗不著綿帛戒德甚尊嚴禪定多所感通會稽恭子張使君蒞廣州便供養之隨使君還吳又隨出入尼自剋亡日捨命後勿棺殮但以乞烏鳥至破崗如期而終使君依旨送林野間停再七日七夕鳥獸不敢侵乃收殯焉亡祖親使君之第四女也就瓊尼受戒

勅余記錄之

陳江令往虎窟山寺詩

塵中喧慮積物外衆情捐茲地信爽塏墟壘暖芊綿藹藹車徒邁飄飄旌旛懸細松斜繞逕峻嶺半藏天古樹無枝葉荒郊多野煙分

三十一

十一

華出黃鳥挂石下新泉碧鬱均雙樹清虛類八禪栖神紫臺上從意白雲邊徒然嗟小藥何由齊大年

治中王同奉和

美境多勝迹道場寶茲地造化本靈奇人功兼製衣置房廊相映屬塔閣並殊異高明留睿賞清淨穆神思豫遊窮領歷藉此芳春至野華奪人眼山鶯紛可喜風景共鮮華水石相輝媚像法無塵染真僧絕名利陪遊既伏心聞道方刻意

記室參軍陸草奉和

雞鳴動醉駕柰苑曉晨遊朱鑣陵九達青蓋出層樓歲華滿芳岫虹彩被春洲葆吹臨風遠旌羽映光浮喬枝隱脩逕曲澗聚輕流徘徊華草合濁澆鳥聲道金盤響清梵涌塔應

鳴桴慧雲方靡靡法水正悠悠實歸徒荷教

信解愧難訶

前臣刑獄參軍孔素

聖情想區外脂駕出西南前驅聞鳳管後乘
躍龍驥爰遊非逸豫幽谷有靈龕兼覩息心
者宴坐臨清潭禪食寧須稼雲衣不待蠶蘋
荇緣澗壑蘿葛蔓松楠鶯林響初轉春畦藥
欲含感心隨教遣法味與恩覃庶憑八解力
永滅六塵貪

州民前吏刑獄參軍王臺卿

我王宗勝道駕言從所之輜軒轉朱轂驪馬
躍青絲清渠影高蓋遊樹拂行旗賓徒紛雜
沓景物共依遲飛梁通澗道架宇接山基叢
華臨迴砌分流繞曲墀誰言非勝境雲山獨
在茲塵情良易著道性故難緇承恩奉教義

方當弘受持

西曹書佐鮑至從駕虎窟山寺

神心睠物序訪道絕塵囂林踈蓋影出風去
管聲遙息徒依勝境稅駕止山椒年還節已
仲野綠氣方韶短葉生喬樹蹠華發早條遠
峯帶雲沒流煙雜雨飄復茲承乏者領名廁
末僚願藉連阿澗庶影慧燈昭一知衣內寶
方慚茲地遼

陳從事何處士春日從將軍遊山寺

蘭庭獸俗賞柰苑賜年華始入香山路仍逢
火宅車慈門數片葉道樹一林華雖悟危藤
鼠終悲在篋蛇

別才法師於湘還郢北

乘杯事將遠捧袂忽無聊南楚長沙狹西浮
郢路遙離亭華已散別成馬新騎明日分千

里相思非一條

敬訓解法師所贈

道林俗之表慧遠廬之阿買山即高世乘杯
且渡河法雨時時落香雲片片多若爲將羽
化來濟在塵羅

通士人篇

卷十

十三

龍宮既入道鳳闕且辭榮禪龕八想淨義窟
四塵輕香蓋法雲起華燈慧火明自然忘有
著非止悟無生

陳沈炯從遊天中天寺

應今

福界新聞草名僧共下延楊枝生拱樹錫杖
呪飛泉石座應朝講山龕擬夜禪當非舍衛
國賣地取金錢

同庚中庶肩吾周處士弘讓遊明慶寺
鷲嶺三層塔菴園一講堂馴鳥逐飯磬狎獸

繞禪牀撻菊山無酒然松夜有香幸得同高
勝於此堂心王

北齊盧思道從駕經大慈照寺詩

并序

皇帝以上徽統天大明御極彈壓九代驅駕
百王至德上通深仁下漏威稜西被聲教東

漸布政合官考儀太室張樂洞野會計苗山

天不愛寶神靡遺貺鱗羽郊異山澤薦祉華
裔率從幽顯咸秩八政惟序六府告平猶且
棲志窅冥凝神空寂俯陋區域顧遺形有救
精民於苦器拯欲界於危城身心澄淨樂之

境生靈仰調御之力中宮厚德載物正位儼
天道冠邵陵業踰妙慧雲朝起四生佇其
寸合慈燈夜爇九服照其餘光乃瞻參墟實
唯唐舊山川周衛襟帶巖岝東郊勝地爰構
寶坊儼若化成瞬如踊出既而景躋西陸氣

中南呂商飈振野白露威寒聖主御辯巡方

順時育物六龍進駕七聖齊軫翠旗揚旆雕

玉徐輪問百年而拜輦朝萬靈以按節熊渠

佽飛之輦入參中壘虎殿金門之侶迴望屬

車將届下都邁茲淨域兼悅鷺山之觀共喜

龍宮之遊接足栖心俱展誠敬課虛引寂仍

發詠歌雖事比擊轅義同叩角亦以雍容咸

烈述讚休美豈若臯朔文辭甫陳男祝王谷

蟲篆纔譬女工作者二十六人其詞云爾

玄風冠東戶內範軼西陵大川開寶匣福地

下金繩繡栱高可映畫拱疊相承日馭非難

假雲師本易憑陽室疑停燧陰軒類鑿冰迥

題飛星沒長楣宿露凝旌門曙光轉輦道夕

雲蒸山祇効靈物水若薦休徵薄命叨恩紀

微軀竊自陵優游徒可恃周賚永難勝

周沙門釋亡名五苦詩

生苦

可患身爲患者將憂共生心神恒獨苦寵辱
橫相驚朝光非久照夜燭幾時明終成一聚

土強覓千年名

老苦

少時忻日益老至苦年侵紅顏既罷白髮
寧久吟階庭唯仰杖朝府不勝簪甘肥與妖
麗徒有壯時心

病苦

拔劍平四海橫戈却萬夫一朝牀枕上迴轉

仰人扶壯色隨肌減呻吟與痛俱綺羅雖滿

草十目愁眉獨向隅

死苦

可惜凌雲氣忽隨朝露終長辭白日下獨入

黃泉中池臺既已沒墳隣向應空唯當松柏
裏千年恒動風

愛離

誰忍心中愛分爲別後思幾時相握手嗚噎
不能辭雖言萬里隔猶有望還期如何九泉
下更無相見時

五感陰附

先去非長別後來非久親新墳將舊冢相次
似魚鱗茂陵誰辨漢驪山詎識秦千年與昨日
一種併成塵定知今世土還是昔時人焉

能取他骨復持理我身

陳姚察遊明慶寺詩

遇見齋祭酒書明慶寺
禪房詩覽之愴然憶此

謨述懷

地靈居五淨山幽寂四禪月宮臨鏡石華簪
繞峯蓮霞暉間播影雲氣合爐煙迴松高偃

盡水瀑細分泉含風萬籟響裏露百華鮮宿
昔尋真趣結友亟留連山庭出藿靡澗沚濯
潺湲因斯事熏習使得息攀緣何言遂雲雨
懷此悵悠然徒有南登望會逐東流旋

陳張君祖詠懷詩

運形不標異澄懷恬無欲座可栖王侯門可
迴金轂風來詠渝清鱗萃淵不濁斯乃玄中
子所以矯逸足何必翫幽闊青衿表離俗百
齡苟未遐昨辰亦非促曠騰望舒映羲今迭
相獨一世皆逆旅安悼電往速區區雖非常

兼忘混礪玉恪神罔叢穢要在夷心曲

革十

十六

靈飈起回浪飛雲騰逆鱗荷擢南陽秀固集
三造賓緬懷結寂夜味藻詠終晨延佇時無
憇誰與拂流塵眇情寄極眄蕭條獨遨神相
忘東溟裏何睇西潮津我崇道無廢長謠想

義人

遙遯播荆衡杖策憩南郢遭動凌浪迹遇靖
恬夷性拊卷從老話揮綸與莊詠遐眺獨緬
想蕭神颺塵正時無喜惠偶絕韻將誰聽習
子茂芳標有欣徹音令頴敷陵霜倩葩熙三

春感拂翮期霄翔豈與桑榆競我混不材姿
遺情忘彫映雖非嶧陽椅聊以翮四聲

贈沙門竺法顥三首

沙門竺法顥遠還西山作詩以贈因亦嘲之
省其二經聊爲之讚

鬱鬱華陽岳絕雲抗飛峯峭壁溜靈泉秀嶺
森青松懸巖廊崢嶸幽谷正寥籠丹崖栖奇
逸碧室禪六通泊寂清神氣綿眇矯妙蹤止
觀著無無還淨滯空空外物豈大悲獨往非
玄同不見舍利弗受屈維摩公

董十

至人如影響靈慧陶億刹應方恢權化兆類
蒙慈悅冥冥積塵寐永在巖底閉廢聰無通
照遺形不洞滅明哉如來降豁矣啓潛穴幽
精淪朽壤孰若阿維察遙謝睇玄疇何爲自
矜潔

邈邈慶城標峨峨浮雲出嶺峻蓋十二嶽獨秀
間浮境丹流環方基瑤堂臨峭頂澗滋甘泉
液崖蔚芳芝頴翹翹羨化倫眇眇陵巖正肅
拱望妙覺呼吸睇齡永苟能夷冲心所憩靡
不靜萬物可逍遙何必栖形影勉尋大乘軌

練神超勇猛

道樹經讚

峨峨王舍國鬱鬱靈竹園中有神化長空觀
體善權私呵晞光景豈誠真迹端恢恢道明
玄解發至神權飄忽凌虛起無云受慧難

三昧經讚

迹起十二燒戒由三昧成賢行極妙住道志
慧以明九本既殊動四禪不同冥淵哉不起
滅始自無從生借問道氣倫安測泥洹靈

詩序

省贈法頴詩經通妙遠亹亹清綺雖云言不
盡意殆亦幾矣夫詩者志之所之意迹之所
寄也忘妙玄解神無不暢夫未能冥達玄通
者惡得不有仰鑽之詠哉吾想茂德之形容
雖栖守殊塗標寄玄同仰代答之未足盡美
亦各言其志也其辭曰

茫茫混成始豁矣四天朗三辰環須彌百億
同一像靈和陶氤氳會之有妙長大慈濟群
生冥感如影響蔚蔚沙彌衆粲粲萬心仰誰
不欣大乘兆定於玄裏三法雖成林居士亦
有黨不見虹與龍灑鱗凌霄上沖心超遠寄
浪懷邈獨往衆妙常所晞維摩余所賞苟未
體善權與子同鬚臾悠悠誠滿域所遺在廢
想

真朴運既判萬象森已形精靈感冥會變化
靡不經波浪生死徒彌縫始無名捨本而逐
末悔吝生有情胡不絕可欲反宗歸無生達

筆十

遙望華陽嶺紫霄籠三辰瓊巖朗壁室玉潤
庚僧淵答

十六

灑靈津丹谷挺穆樹季穎奮暉薪融風衝天

賴逸響互相因鸞鳳翔迴儀虬龍灑飛鱗中

有冲漠士耽道玩妙均高尚凝玄寂萬物息

自賓栖峙遊方外超世絕風塵翹想睇眇蹤
華子

矯步尋若人咏嘯舍之去榮麗何足珍濯志

八解淵遼朗豁冥神研幾通微妙遺覺忽忘
大

身居士成有黨顧盼非疇親借問守常徒何

以知反真

隋煬帝遊方山靈巖寺詩

梵宮既隱隱靈岫亦沉沉平郊送晚日高峯

落遠陰迴旛飛曙嶺疎鍾響晝林蟬鳴秋氣
近泉吐石溪深抗迹禪枝地發念菩提心

諸葛穎應教奉和通衢建燈

諸葛穎應教奉和通衢建燈
法輪天上轉梵聲天上来燈樹千光照華燄
七枝開月影凝流水春風含夜梅幡動黃金
地鍾發瑠璃臺

芳衢澄夜景法炬爛參差逐輪時徙燄桃華

生落枝飛煙繞定室浮光映瑤池重閣登臨

罷歌管乘空移

隋煬帝捨舟登陸示慧日道場玉清玄壇德
衆一首

天淨宿雲卷日舉長川旦颸灑林華落逶迤
風柳散孤鶴近追群啼鶯遠相喚蓮舟水處
盡畫輪途始半江涯各自遙東西並興歎已
對峯蓮雷出階基下雲歸梁棟前靈光辯畫

夜輕衣數劫年一陪香作食長用福爲田

隋煬帝正月十五日於通衢建燈夜升南樓

一首

薰禪慧力復藉金丹揜有異三川遊曾非四
門觀於馬履妙道超然登彼岸

隋著作王胄卧疾閩越述淨名意

余卧疾閩海彌留旬朔善友願法師勸余以
淨名妙典調伏身心力疾粗陳其意敬簡法

師云爾

卷十

十一

客行萬餘里眇然滄海上五嶺常炎鬱百越
多山瘴兼以勞形神遂此嬰疲恙桐雷邈已
遠砭石良難訪抱影私自怜霑襟獨惆悵毗
城有長者生平夙所尚復藉大因緣勉以深
迴向心路資調伏於焉念實相水沫本難摩
乾城空有狀是生非至理是我皆虛妄求之
不可得誰其受業障信矣大醫王茲力誠無
量

薛道衡入鳳林寺詩

淨土連幽谷寶塔對危峯林栖丹穴鳳地通
白沙龍獨巖樓迥出複道閣相重洞開朝霧
歛石濕曉雲濃高篠低雲蓋風枝響和鍾簷
陰翻細柳澗影落長松珠桂浮明月蓮座吐
芙蓉隱淪徒有意心迹未相從

梁開善寺藏法師奉和武帝三教詩一首

心源本無二學理共歸真四執迷叢藥六味
增苦辛資緣良雜品習性不同循至覺隨物
化一道開異津大士流權濟訓義乃星陳周
孔尚忠孝立行肇君親老氏貴裁欲存生由

卷十

十一

外身出言千里善芬爲窮世珍但空非即有
三明似未臻近識封岐路分鑣疑異塵安知
悟云漸究極本同倫我皇體斯會妙鑒出機
神眷言總歸轡迴照引生民顧惟慚宿殖避
追逢嘉辰願陪入明解歲暮有攸因

唐太宗文皇帝遊并州大興國寺詩

迴鑾遊福地極目翫芳晨梵鐘交二響法日
轉雙輪寶刹遙承露天華近足春未珮蘭猶
小無絲柳尚新圓光低月殿碎影亂風筠對
此留餘想超然離俗塵

文帝詠佛殿前幡

拂霞疑電落騰虛狀寫虹屈伸煙霧裏低舉
白雲中紛披乍依迴掣曳或隨風念茲輕薄
質無翅強搖空

唐高宗遊大慈恩寺詩并和

日宮開萬仞月殿聳千尋華蓋飛團影幡虹
曳曲陰綺霞遙籠帳叢珠細網林寥廓煙雲
表超然物外心

大慈恩寺沙門和

皇風扇祇樹至德茂禪林仙華曜日彩神旛

曳遠陰綺殿籠霞影飛閣出雲心細草希慈

澤恩光重更深

常州弘善寺宣法師奉和竇使君同恭法師
詠高僧二首

竺佛圖澄

大誓憫塗炭乘機入生死中州法既弘葛陂
暴亦止乳孔光一室掌鏡徹千里道盛呪蓮
華災生吟棘子埋石緣雖謝流沙化方始
釋僧肇

般若唯絕鑿涅槃固無名先賢未始覺之子

肇十

三三

唱希聲秦王嗟理詣童壽揖詞清微音聞廬

岳精難動中京適驗方袍裏奇才復挺生

唐宣法師秋日遊東山寺尋殊曇二法師

木落樹蕭慘水清流寥寂屬此悲哉氣復茲
霸旅感奚用寫煩憂山泉恣遊歷萬丈窺深

澗千尋仰絕壁傍嶺竹參差緣崖藤蔓歷行
行極幽遠去去逾空寂果值息心侶喬枝方
挂錫圍達悉栴檀純良豈沙礫妙法誠無比
深經解怨敵心歡即頂禮道存仍目擊慧刀
幸已逢疑網於焉析豈直祛煩惱方期拯沉

溺

音釋

癆莫佩切 漳諸良切 繫陟立切 風颺
癆病也 漳水名 繫羈也 風颺
颺力求切 腕苦隕切 遂徐醉切 騞鷗
颺高風也 腕地蕈也 遂墓道也 騞淄尤切
御千尋切 犔駟 露露莫自切 幕莫卜
也馬疾行也 犔霖也 露霖小雨也 幕莫卜
霾漠皆切 努力求切 露亮也 妥以蘇

第十一

十三

廣弘明集卷第三十

臻切 國名妙序失弋質切
姊切 太姒也 軒侵軒也 桤古甬切 薛委
蘿蘿草 麻敷貌韻俱倫居尤切高
屋郎狄切 煙覆貌韻俱倫居尤切高
幕慕 楣木下曲也 幕幕莫 烟覆貌韻俱倫居尤切高
屋狄切